

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1968 del 23/07/2021

Traduzione in cimbro

Pat un Unitn: zuargètt arbatn zo macha pittnàndar vor 249.000 euro

Nå in sèll boda hatt vürgelekk dar asesór vor di Istrutziong, universitét un kultùr Mirko Bisesti izta khent ågenump atz 2 von höbiat vodar provintziàl Djunta di delibera boda zuargitt an toal von sèll boda hintarizgestånt von gèlt untargelekk von briaif progråmm vor di universitét vor di djar 2020-2022: 'z iz a toal boda ågeat in prodjèkte vürzotruga pittnàndar vodar Universitét vo Tria un di Provìntz a istituzionàl mittarbat boda interesàrt poan in emtar. Baz zo tüana pin 249.000 in allz zuargètt, iz sa darkhennt drinn in provedimént sèlbart. Validierung von metodo genützt von provintziàln emtar un vo Cassa del Trentino zo schètza di zisan; prodjèkte nåzosüacha bia zo nütza pezzar 'z bazzar; machan a lirnpuach vo Sotzialkunde vor di schüalar vodar obarschual afte zungmindarhaitn: 'z soinz drai arbatn boda vornaügarn bazta khint zuargètt azpe gèlt dar Universitét vo Tria.

In da earst arbat khinta inngenumpp dar Dipartimént vo Ekonomì un Management boda mocht validiern in metodo genützt zo schètza di zisan von provintziàln emtar balza zuargem gèlt un vodar Cassa del Trentino zo atualizàra di schütz. Da zboate arbat geat å in Dipartimént vo Zivil Inzenierì, Umbèlt un Mekånik un 'z provintziàl Åmt vorz 'z bazzar un kraft. 'Z khinta o inngenumpp dar Dipartimént vo Ekonomì un Management nåzosüacha bia zo vornaügra in kraft sistèm un bia zo nütza pezzar 'z bazzar in Trentino un zo macha darkhlekhan daz mearaste boma mage vor in teritòrio di strategeschen arbatn boda khemmen vürgetrakk, machante khreschardn di kompetentzan von laüt bodada lem. APRIE bart mang hãm a hilfe azpe metodo un bizzschaft zo kheara zuarzogeba in konkorentz di groazan netzan von bazzarkraft. Da draite arbat iz khent vürgelekk von Åmt vor di zungmindarhaitn un européan audit pittnàndar pittar fakultét vo Rèchtbizzschaft un iz zo macha a lirnpuach afte zungmindarhaitn zo nütza vor Sotziàlkunde in di obarschauln.

Übarsetzt von Schaltarle vor di zung von Toalkamou vodar Zimbar Hoachebene

(Traduzione a cura dello Sportello linguistico della Magnifica Comunità degli Altipiani Cimbri)

(cdt)